

Načelnik Općine Stari Grad Sarajevo, na osnovu ovlaštenja utvrđenih u članu 15. Zakona o principima lokalne samouprave u Federaciji BiH ("Službene novine FBiH", broj: 49/06) i člana 35. i 69. Statuta Općine Stari Grad Sarajevo – Prečišćeni tekst - ("Službene novine Kantona Sarajevo" broj: 20/13), raspisuje :

KONKURS ZA IZRADU IDEJNOG RJEŠENJA UREĐENJA ULICE ŠTROSMAJEROVA U SARAJEVU - OPĆINA STARI GRAD SARAJEVO

I OPĆI USLOVI KONKURSA

Investitor i raspisivač konkursa:

Općina Stari Grad Sarajevo, Zelenih beretki 4, koju zastupa Načelnik mr. Ibrahim Hadžibajrić

Organizator i provoditelj konkursa:

Općina Stari Grad Sarajevo, Služba za komunalne poslove Općine Stari Grad Sarajevo

Osoba zadužena za komunikaciju sa ponuditeljima:

Čengić Edib, dipl. ing. arh.

Vrsta i tip konkursa:

Javni, anonimni, urbanističko-arhitektonski

Klasifikacija konkursa

Arhitektonsko-urbanističko rješenje uređenja ulice

Predmet konkursa:

Izrada idejnog rješenja

Svrha i cilj konkursa:

Prikupljanje kvalitetnih i stručno izrađenih idejnih rješenja za likovno, arhitektonsko, urbanističko i hortikulturno uređenje prostora ulice Štrosmajerova koja se nalazi u obuhvatu užeg gradskog jezgra Općine Stari Grad Sarajevo.

Pravo učestvovanja na konkursu:

Imaju sva pravna i fizička lica, bilo da se javljaju samostalno ili u okviru autorske grupe, a posjeduju stručne kvalifikacije, odnosno da su redovni studenti ili da imaju diplomu Arhitektonskog fakulteta ili Akademije likovnih umjetnosti.

Ponudači - pravna lica: ovjerena fotokopija rješenja iz sudskog registra o registraciji za poslove iz predmeta Konkursa, porezni i identifikacioni broj

Ponudači - fizička lica: ovjerena kopija lične karte i ovjerena kopija fakultetske diplome ili nostrifikacija diplome ako je ista stečena u nekoj drugoj državi ili potvrda da je ponudač redovan student Arhitektonskog fakulteta ili Akademije likovnih umjetnosti

Izuzeća: Članovi Komisije, Sekretar Komisije, stručni savjetnici, sastavljač konkursnog zadatka i programa, kao ni njihovi bliski srodnici i saradnici svojim radom ne mogu učestvovati na ovom natječaju.

Svaki od učesnika, pojedinac ili grupa, ima pravo sudjelovanja na ovom natječaju samo s jednim konkursnim radom.

II PROCEDURA REGISTRACIJE I PRIHVATANJA USLOVA KONKURSA

Registracija za učešće na konkursu vrši se popunjavanjem obrasca Prijava na konkurs: "Idejno rješenje uređenja ulice Štrosmajerova u Sarajevu – Općina Stari Grad Sarajevo" koji se može preuzeti i sa web stranice Općine Stari Grad Sarajevo www.starigrad.ba ili lično u prostorijama Službe.

Uz predaju konkursnog rada neophodno je dostaviti popunjen obrazac: Prijava na konkurs: "Idejno rješenje uređenja ulice Štrosmajerova u Sarajevu – Općina Stari Grad Sarajevo", pod šifrom u zatvorenoj koverti.

III DOKUMENTACIJA

Raspisivač konkursa stavlja kandidatima na raspolaganje sljedeću tendersku dokumentaciju:

OPĆI DIO

-Projektni zadatak

-Prijava na konkurs: "Idejno rješenje uređenja ulice Štrosmajerova u Sarajevu – Općina Stari Grad Sarajevo“ (Obrazac)

GRAFIČKI PRILOZI

1. Ažurna geodetska podloga obuhvata

2. Izvod iz katastra podzemnih instalacija

Konkursna-tenderska dokumentacija pripremljena je u digitalnom formatu, a kandidati istu mogu preuzeti danom objavljivanja konkursa u Službi za komunalne poslove Općine Stari Grad Sarajevo, Zelenih beretki 4 (objekat B Općine Stari Grad Sarajevo, sprat II, kancelarija 205) i na web stranici: www.starigrad.ba

IV ROKOVI

Konkurs je otvoren 30 dana od dana objavljivanja u medijima.

Konkursni radovi se predaju najkasnije do 10:00 sati, zadnjeg dana u šalter sali, šalter broj 7 – Protokol Općine Stari Grad Sarajevo.

V KOMISIJA ZA IZBOR

Komisija za izbor imenovana je u sastavu od pet (5) članova:

1. Lidija Mičić, dipl. ing. arh.

2. Ljiljana Pelidija, dipl. ing. građ.

3. Hamdija Efendić, dipl.ing. građ.

4. Munib Buljina, dipl. ing. arh.

5. Aida Veladžić, dipl. ing. arh.

Sekretar Komisije: Ermana Sulejmanović.

Komisija za izbor će otpočeti sa radom najkasnije dva (2) dana od dana zatvaranja Konkursa.

Komisija za izbor će raditi u periodu od 10:00h i završiti najkasnije do 16:00h istog dana.

Rad Komisije za izbor prestaje nakon ocjenjivanja prispjelih radova.

Odluka o dodijeljenoj nagradi kao i obavještenje o terminu i mjestu održavanja izložbe svih pristiglih konkursnih radova objavit će se u sredstvima javnog informisanja i na web stranici: www.starigrad.ba

VI KRITERIJI ZA OCJENJIVANJE

Pored usklađenosti prispjelih radova s uslovima raspisa (u pogledu sadržaja, rokova i obaveznih priloga), Komisija za izbor će pristupiti njihovom ocjenjivanju i vrednovanju na osnovu kriterija koje sama utvrdi, a koji se zasnivaju na principima koji su konkursnim radom iskazani:

- konceptualne vrijednosti rješenja
- povezanost s glavnom temom konkursa i održivost rješenja
- arhitektonski koncept u odnosu na urbani kontekst
- arhitektonski izraz i jasan konstruktivni koncept
- provodivost prostornog programa i konkursnog zadatka
- inovativni karakter javnog prostora
- funkcionalne, oblikovne i prostorne kvalitete rješenja
- racionalnost i ekonomičnost rješenja

Komisija za izbor neće uzeti u razmatranje konkursne radove ako nisu dostavljeni u konkursnom predviđenom vremenskom roku i ako ne ispunjavaju uslove konkursa.

VII NAGRADE

Odlukom Komisije za izbor dodijelit će se nagrada u iznosu od 5.000,00 KM (slovima: pethiljada KM) za najbolje ocijenjen rad.

VIII SADRŽAJ KONKURSNOG RADA

Učesnici prema priloženom Projektnom zadatku i Uslovima konkursa izrađuju Idejno rješenje koje sadrži priloge i to prikazane na maksimalno tri (3) panela formata B1 (707 x 1000 mm).

Prikazuju se tekstualni i grafički prilozi, i to ovim redoslijedom:

1. Analiza postojećeg stanja
2. Obrazloženje koncepta idejnog rješenja
3. Grafički prilozi sa skicom popločanja i urbanog mobilijara
4. Shema partera (po potrebi)
5. Karakterističan presjek, pogledi/fasade i 3D

Svi grafički prilozi moraju imati prikazano mjerilo.

Digitalni PDF dokument pripremljen za printanje na A3 formatu treba da sadrži najviše devet (9) strana sa tekstualnim obrazloženjem i grafičkim priložima.

IX OPREMA KONKURSNOG RADA

Propisuje se format B1 (707 x 1000 mm), vertikalna postavka za sve grafičke priloge, maksimalno tri (3) kaširana panela, koji su potrebni za razumijevanje rada.

Svi grafički prilozi formata B1 predaju se kaširani u zapečaćenom omotu.

Tekstualni dio elaborata mora biti uvezan u formatu A3 u tri (3) primjerka. Uz tekstualno obrazloženje treba priložiti umanjene grafičke priloge i popis svih priloga natječajnog elaborata.

Svi grafički prilozi (PDF format) i tekst (Word) predaju se i na CDROM mediju.

Učesnik je dužan predati dvije (2) zapečaćene, neprozirne koverta koje sadrže sljedeće podatke:

a) omotnica s natpisom "**AUTOR**"

- Prijava na konkurs: "Idejno rješenje uređenja ulice Štrosmajerova u Sarajevu – Općina Stari Grad Sarajevo" (Obrazac)

- Broj žiro-računa s naznakom banke, te da li je autor kao fizička osoba obveznik PDV-a

- Raspodjela nagrade u postocima, dokument potpisan od svih autora pojedinog natječajnog rada

b) omotnica s natpisom : "**ADRESA ZA OBAVIJESTI**"

-Adresa za dostavu obavijesti

-Izjava kojom se NE pristaje na objavu imena autora nakon završetka natječaja, ako rad nije nagrađen. Ukoliko te izjave nema, smatrat će se da autor pristaje na objavu imena.

Omotnice s nazivima: **AUTOR I ADRESA ZA OBAVIJESTI** otvara Komisija za izbor.

Svaki rad označen je šifrom koja se sastoji od dva (2) slova i tri (3) broja, označene na svim priložima; na kaširanim panelima u gornjem lijevom uglu, uz naziv lokacije. Paneli su označeni brojevima od 1 do 3, u gornjem desnom uglu.

Pri otvaranju prispjelih radova svaki rad će biti označen radnom šifrom. Redni broj pod kojim je konkursni rad zaprimljen nije šifra rada.

X ZAVRŠNE ODREDBE

Predajom rada autor pristaje na uslove konkursa, na javno izlaganje i publiciranje rada. Učesnik je za sve vrijeme konkursa dužan držati svoj rad anonimnim do objave rezultata konkursa.

Grafičku dokumentaciju priloženu u podlogama konkursa učesnici smiju koristiti isključivo u svrhu izrade konkursnog rada.

Iz ovog Konkursa isključit će se radovi:

- predani poslije roka navedenog u raspisu konkursa
- koji ne sadrže priloge navedene u poglavlju o sadržaju konkursnog rada.

Raspisivač konkursa ne isključuje mogućnost da iza postupka za izradu Idejnog rješenja, uslijedi postupak dodjele ugovora o pružanju usluge za izradu Glavnog projekta, pobjedniku konkursa putem pregovaračkog postupka, a bez objave obavještenja o nabavci.

Raspisivač konkursa će, po završetku konkursa, konkursne radove prezentirati putem:

- objave rezultata
- javne izložbe, u medijima i na web stranici Općine Stari Grad Sarajevo www.starigrad.ba.

Raspisivač i provoditelj konkursa ne odgovaraju za oštećenja konkursnih radova nastala radom Komisije za izbor, te postavljanjem izložbe konkursnih radova.

Učesnici prihvataju uslove ovog konkursa činom predaje popunjenog Prijavnog obrasca i svog konkursnog rada.

Nagrađeni rad je sa stanovišta autorskih imovinskih prava vlasništvo Raspisivača.

Autor nagrađenog konkursnog rada polaže prava na nagrađeni rad samo po osnovu autorskih moralnih prava.

Svi sporovi koji bi mogli nastati iz ovog konkursa prvenstveno će se rješavati dogovorom ili arbitražom, a u slučaju da se ne riješe, u nadležnosti su suda u Sarajevu.